

D E

34-6-E-4

20

102

DIVO IVONE

PAUPERVM PATRONO

ORATIO

Hacta in eiusdem Templo

34-6-

AD EM. S. R. E. CARD.

A DOMINICO CIAMPOLO
SEM. R. M. CLER.



Romæ, Typis Ignatij de Lazaris. 1673.

Superiorum Permissu.

20

DIO VIVIO

PATERNA PATRIS

O R A T I O

AD EUGENIUM

PAPAM



EMINENTISS. PRINCIPI
IACOBO ROSPILIOSO

103

S. R. E. CARDINALI.

Dominicus Ciampolus Sem. Rom. Cler.

Felicitatem.



Ambitiose parcendum Inopie Ora-
tionis meæ, si meas Vmbas exosa
ne lateat, tuos splendores affectat,
vt luceat. Didicit superbire Pau-
pertas, quoties Iuones inuenit, aut
eius mores. Hos in te nactus, ad te propero: Fi-
duciam meam damnare non debes; qui mores
tuos damnare non potes; nec ægre Culpam dimi-
tes illam, quam Tu ipse noueris suasisse. An non
tū etiam priuata Tua bona, ita publica fecisti, vt
domestici census incrementa non aliunde digno-
scamus, quam ab ampliori exuberantiā in publi-
cam felicitatem? Sed secus agere non debebas,
si Te Clementis Noni Nepotem probare Volebas.
Illum amamus tuis in moribus semper viuere, vt
Tū eius in dignitate aliquando viuas. Præclaras
ille leges in solium inuexit, amorem populorum;
quo cum, maximam omnium pænarum minari

A 2 fa-

facile potuit, facilius potuit infligere, videlicet non
amare. Nihil ille à subditis admittebat in vesti-
gal, præter Calamitates, quas beneficentiâ fugabat;
Præter Vicia, quæ Terrore plecebat; præter amorē,
quem exiebat amando. Hisce moribus insistis
Em. P. dū tibi nihil ex hac quā frueris potētiā, de-
cerpis, quam maiorem de omnibus benemerendi
facultatem, quibusque non debes petita concedere,
te ipsum concedis ipso beneficio pretiosorem; &
miramur si ad tuæ Domus incrementum, tãquam
ad publicum bonum, Totus eat in plausus Orbis?
Nouit nimirum ille, te merito sublimiorem quam
dignitate; Maiestatem à temet augeri, teque be-
neficio maiorem Orbi, quam Imperio maiorem,
Tibi. Sed vereor iam, ne tibi infensus sim, cum
de te loqui non possim, sine laude, hoc est sine
vulnere modestiæ tuæ. Quamquam hoc ipsum
magnæ laudis instar est, laudem omnem mereri,
nullam velle; nullā quasi precario indigere, nul-
lam quasi parem inuenire.

ad hoc vultu munitur, et non nisi in
sunt, si. et in obituale. et in
et in obituale. et in obituale. et in
et in obituale. et in obituale. et in

-A A

ORA.



ORATIO.



Eroem vobis Sisto Em. PP. cuius opulentiam aliena Paupertas, & cuius gloriam aliena calamitas elaborauit. amplissimam gloriæ segetem ex infecundo messuit agro miseriarum; & potuit plus debere nihilo ægestatis alienæ, quam proprio censui diuitiarum. Neq; certe compendiarium hanc Orbis Maiestatem, tuas ad aras prouolutam aspiceres Iuo beneficentissime; nisi in leuandis miserorum æumnis, miserior ipse stitisses. *Fælices*, fateor, reddidisti pauperes, sed ipse te reddidere *fælicio*rem. Incertum, Beatius ne in te fuerit erogare, quam accipere. Dum igitur plus ne Iuo pauperibus, quam Pauperes Iuoni debuerint, paucis inquirō; agite & Vos, vt Inopix orationis meæ illud incrementum gloriæ aquirat Iuo, quod redde-

re

re Tot Capitem Sapiencia sciet , Tot Iudicium Integritas poterit, ac tot Patrum purpurata Pietas abunde Volet .

Quod primum Iuo Pauperibus largitus est , fuit quod minimum danti, plurimum constitit accipienti; verba nimirum ad pauperum integritatem propugnandam in foro. Quam facile erat pro illis verba dare, tam difficile erat inuenire qui darent. Passim obuios Patronos habebat scelus opulentum, nullos inueniebat. Integritas misera, sed quam facile fuit Iuoni ad tutelam eorum accurrere , qui solo prouocabant ampliori censu calamitatum? Debebant omnium indigere : qui debebant omnibus praeferri ; plurimum poscere, qui maius obtinere. Illorum ne causas molestam dilatione fatigabat? Scilicet . Sciebat nimirum tantum gratiae, beneficio demi, quantum adijcitur morae ; tantumque gratiae nomen imminui , quantum inter manus dantis Versatur; Nullam ideo admittebat moram , nisi quam interponebat Accipientis Verecundia . Sero beneficium dedisse, putabas, si roganti dedisset, oderatq; rubore praecum grauius onerare, quos leuabat inopia. Incertum sepe fecit, maiori ne celeritate, decidenda suscepit, ac suscepta deciderit . Nullius ille lacrymas vestigales voluit, quia se nullius lacrymis vestigalem praebuit. Hunc nemo seueriorem dixit dum punit, nemo molliorem dum parcat ; Nemo huius leges damnauit Innocens , quia neminem huius leges damnarunt Innocentem . Beneficium se praebuit omnibus , etiam cum noceret Improbis . Beneficij enim genus est, cogere vt Mali parcius insolescant ; sic itaq; efficiebat vt cum nullibi cura forent priuata scelera ,

tu-

tutior esset ubiq; felicitas publica. In exilium Reos abigebat, ut lētum secum supplicium, hoc est conscientiam sceleris deferrent, quamquam omnis instar supplicij esset, à tanto Patrono abesse; adeoque tam pretiosæ Captiuitatis, impar illis pretium, videretur ipsa libertas. Acerbitatem sententiæ lacrymis suis prius diluebat, ut amaritudo mortis illo Vitali Cordis succo leniretur. Quoties ah quoties, ipsis in Carceribus, visus est Curas quas omnes exuerant, induere ipse; Vnus omnibus sufficere seruando, dum omnes vni non Sufficiebant rogando: Archiater ipse, Ipse Dapifer, Excubitor ipse, vbique ipse. Calamitates aspectu fugabat, sed pene iratus sibi, quod penuriam miseriarum faceret abundantia, Charitatis, & segetem sibi meritorum imminueret, imminutione Calamitatum.

Verum si magna hæc Pauperibus clargitus est Iuo, maiora certe Pauperes Iuoni reposuere. Fama per id Tempus vni defudabat Iuoni; sed nihil referebat in pretium, preter odium sui. Astuebant Iuoni dignitates, sed nihil in ijs amabat quam quod prodesse magis & posset & vellet. Publice dicebatur Calamitatum interitus, acerbæ fortunæ finis, publicæ Salutis ara; Vnus ille ferebatur ab Inuidiâ liberasse fortunam, quia summis ærumnis summum Vindicem conciliabat. Sed quod Pauperes Iuoni reddere nequibant, Deum ipsum vidimus, tamquam pauperum Vadem, illi cumulatissime soluere. Prius enim se illi voluit præbere conuiuium, quasi cælestes non saperent dapes, nisi ab Iuonis Charitate conditæ: Inde quasi in pretium epularum, diuisum Imperium cum Iuone Deus voluit. Quis enim ex tunc in elementa Ius

exercuit imperiosius, dum voraces flammæ se illi in
radiorum Coronam Lunarunt & minaces flubiorum
vndæ, ad huius aspectum dedidicere tumorem. Quis
remedia magis habuit ad manus. Dū ad eius dextere
attactum secedebant morbi; satis gloriosi quod Iuo-
nis manibus, oscula libassent. Sed nec minimum est
Iuo præclarissime, illud incrementum honoris, quod
tibi nunc ab hac Regum Coronâ luculentissime red-
ditur. Tuas ad aras toto pondere Maiestatis deu-
luitur, quia tuos ad mores tota sublimitate animo-
rum enititur. Tuis debetur exemplis, quod horum
Iustitiam nemo contempserit impune, quia nemi-
nem horum Iustitia oppressit inique; quod ex illis
esse oderint, qui beneficia differunt; ne minor sit ro-
gantium Turba; aut precibus vendunt, ne sine ru-
bore Accipientes meminerint; aut Verbo grandio-
re iactant, vt impetrasse pœniteat; quin imo prope-
ratis beneficiis, ipsas beneficiorum occasiones præ-
ripiunt indigenti: A Te didicerunt infrâ Maiestatem
non esse, in Pauperum obsequijs decreverunt aures
obstruere nulli, vocem omnibus exhibere; pro-
desse malis ne desint bonis, potius quam desse bo-
nis, ne profint malis. Te suis in moribus volunt
rediuuium, dum non alia à Clientibus eripiunt Spo-
lia, præter calamitates, non aliud contra crimina
supplicium exhibent validius, quam mores suos.
Viue igitur in horum animis Prestantissime Iuo. Vi-
uite & Vos, in eius moribus Integrimi PP; vt de vo-
bis etiam; Plus ne Pauperibus Vos, quam Pauperes
Vobis debuerint, inquirendum relinquatis, ad pri-
uatæ publicæq; felicitatis Coronamentum.

